

【獨絃琴】<sup>170</sup> 一絃琴之別名。〔板琴知要〕按一絃琴，又有獨絃琴之名。〔玉海音樂樂唐九部樂〕高祖即位，仍隋制設九部樂，清商伎者，隋清樂也，有編鐘、編磬、獨絃琴。

【獨絃匏琴】<sup>178</sup> 琴名，班竹所造。〔唐書南蠻傳〕有獨絃匏琴，以班竹爲之，不加飾，刻木爲虺首，張絃無軫，以絃繫頂，有四柱，如龜茲琵琶絃，應大簇。

【匏琴】<sup>18</sup> 南蠻之樂器名，竹製之琴。〔唐書南蠻、驃國傳〕

驃國進樂有大匏琴二，覆以半匏，皆彩畫之，上加銅甌，以竹爲琴，作虺文橫其上，長三尺餘，頭曲如拱，長二寸，以條繫腹，穿甌及匏本，可受二升，大絃應太簇，次絃應姑洗。〔劉昫大樂令壁記〕隋煬帝平林邑，獲扶南工人及匏琴，以天然樂傳寫其聲。